





原件短缺

P1

巖險藤迷路。山高石作城。片雲何處雨。孤客此時情。
茅屋幾家在。秋風半夜生。旅魂愁已絕。况聽鼓鼙聲。

四海冶

巖嶂迴還處。桃源恐在茲。石留人面。起藤向。砌頭垂。
砌水喧迎客。岩花笑索詩。慙勤留姓字。記我獨來時。

秋日閒居

荒徑無人到。柴門帶晚霞。不知身抱病。且喜菊開花。
買鶴添詩料。科書送酒家。秋來禾黍熟。垂老此生涯。

過八盤

并州愁作客。况又渡桑乾。去國幾千里。登山十八盤。
兵戈今未息。道路古來難。落落悲雙鬢。迢迢媿一官。
鄉書過塞少。節序向花殘。海上園廬在。歸與賦考槃。

秋日同孫叅戎登陽和城樓

清秋白日映山川。遠景平臨古塞前。自得將軍無戰
鬪。不妨客子有詩篇。霜凝錦繡灘中樹。風落珠璣石
上泉。莫向燕南頻極目。故園迢迢海雲邊。

答客問亦山園

後老山城畫掩門。空齋祇有藥爐存。風塵力倦十年
路。松菊貧開半畝園。謬許襟期過阮籍。那知骨相似
虞翻。一尊若肯閒來往。願借鄰家舊瓦盆。

答任栢溪韻

身世無端夢亦驚。踈慵到處是愁城。幾年不見漁樵
業。垂老仍聞鼓角聲。旅食新從多病減。炎天誰能遠
方行。勞君佳句頻相慰。廊廟江湖別有情。

過冷泉關次韻

西風落木不勝秋。百雉關門控上游。標柱何人仍破
虜。棄繻狂客漫生愁。雲開霍嶽當知出。雨漲汾河拍

岸流到處登臨興感慨角聲高起夕陽樓

劉鳳

字子成號魏學禮為文字之交唱和成秩名比王集大率藻飾綺靡不脫風雲月露之習亦近時諸公通弊也今取典雅近正者錄之李滄溟謂其取材班馬氣骨卓然古樂府等書奇與不殘當必有所見也

禱衣篇

閨中少女白雪姿巧作歸雲青黛眉自言生和姁容
歸嫁得涼州輕薄兒十五征戍在沙磧一一名姓留
尺籍去年寄書西海頭情隨萬里交河流紫塞迢迢
風似戟青樓宛轉月如鉤月色寒微薄秋風吹愁入

羅幕鳩頭履子織未成江上芙蓉開散落花落機中
愁更牽禱衣花前腕猶弱破雲香淺暗銀泥釵色盤
桓墮金爵香瓊半拂箴綉枕合歡被裁鴛鴦錦有夢
還能越塞垣夜夜依然到空寢覺後思君君不知生
結梅淚拭紅滋若言星漢猶別離堪作明河無盡時

昭臺怨二首其一

妾意憐芳樹君恩疎桂宮夢迴清瑟斷燕去畫梁空
慢臉羞鉛翠頻娥成黛紅鎖闌花半落盡日閉春風

其二

皇明詩集 卷之三十一
苗裏梅花落。琴中彩雉飛。江南春又到。塞北信猶稀。
草色閑歌管。風光別舞衣。夢魂應可度。不逐曉雲飛。

擬古詩十九首 今錄其二 其一

迢迢清露塵。悠悠濁水泥。皎皎令顏色。飄飄蕩子妻。
燭燭明月篇。粲粲羅幃底。君身自無定。妾豈不須悲。

其二

高樓臨大道。上有愁思女。迢迢望星漢。因風貫針縷。
兩泪流千秋。浼首不能舉。中粉暗無光。竚立逢碁組。
但聞草木聲。蕭蕭入我字。瘳瘳在何方。憂來剪肺腑。
中懷自種種。氣結何由叙。念與君歡時。亦復得幾許。
一朝相背飛。飄飄竟何所。君行慎起居。非類難與伍。
努力保令驅。無事空謔謔。許曰擬亦逼真。

謝思

十載蘭姑夢。亦迷秋風萬里入。寒閨短書欲寄雙飛。
燕離恨空殘。半向啼羅幙。霜合邊月近。黛鬟愁亂。柳
雲低傳聞都護。圍方急使者。旌旗度隴西。

送太史

使車朝發白雲邊。萬里春風細雨懸。正憶鶯花江上。

月可禁楊柳。薊門烟。蓬萊氣色。揮毫裏。漢署風流獻。
納前聞道。聖朝行幸少。知君未擬賦甘泉。

魏學禮

字季即吳郡山人與侍御劉子威為布衣之交一時名士皆欽慕之詞鋒甚銳壯麗相敵少勝子成一籌李滄溟謂其

秋夜篇

館娃宮外古城西。榆葉清秋蔭紫萸。官道朱輪投暮
歇。綺樓紅笛鳥風低。娟娟白露蕉衣濕。澗澗澄波蓮
袖啼。雲母屏風涼思入。水晶簾箔晚情迷。水晶雲母
映蘭堂。霍納旃檀襲彩梁。絡緯聲中繫別緒。鴛鴦機

上理。愁腸此時寥落敲砧月。此時零落擣衣絰。寒
淒淒。橫荻浦。銀河寂寂向花房。花房荻浦長遼絕。翠
帳金罍怨離別。乍可同遊陌上春。那堪凍合關前雪。
空將紅淚泣羅衣。空將錦字題書札。秋夜長。芙蓉暗
吹香。不作桑間妖艷婦。不隨堤畔遊冶郎。桑間堤畔
繞車塵。鷄塞龍沙作遠人。誰似天孫河鼓樂年年。
夕會河津。

宿泉上人山房

花落徑長靜。鳥鳴春自閒。雲行似相送。日暮不知還。

支道頗好客。遠公時閉門。松窓不能寐。明月滿空山。
昭臺怨二首其一

翠袖辭金殿。青苔閉紫宮。香含羅帳曉。春歇玉階空。
艷態消花上。悲情落管中。君王恩未薄。妾夢向來同。

其二

別館芙蓉暗。閒房翡翠寒。漏催千夜盡。宮鎖一春殘。
芳歲驚流水。容華泣楚蘭。誰怜愁坐意。新月在樓端。

望月懷庾元規

半夜山樓靜。高吟獨倚扉。露隨花共落。雲與月同飛。

白浪空中泛。寒烟柳外微。風流懷庾叟。千古一沾衣。

送人之北

萋萋芳草覆江沙。燕子歸時不在家。惟有海棠花上
月。隨君千里到京華。

陳栢

字子聖號所著有見江南稿 沔陽人

留別梨子

盛夏苦矣熱策馬遊郢中。郢中帝王州。佳氣何葱蔥。
山川紆以鬱。覽眺無終窮。况我同心子。弱冠稱終童。
疇昔各許與。既見心則忡。開軒羅綺席。當道理絲桐。

倚與白雪調。嗟哉人所同。為樂未終極。倏成飛蓬。
執手當漢上。歎別心忡忡。人生匪執瓜。安問西與東。
春光漸看發。邀爾承明宮。相思倘不值。託思先晨風。
鏡光篇
嘉靖辛丑卧病慈恩寺中每與其
僧古淵登鏡光閣為余道昔者之
事乃賦鏡光篇

君不見鏡光高閣天中起。雄視皇州十二里。王氣遙
連陽翠山。晴輝半落金鰲水。碧房紺殿紛玲瓏。丹楹
紫閣何巖嵒。翩翩斜映茂陵樹。飄飄俯瞰甘泉宮。疎
鍾忽報千門曙。高閣遥瞻玄龍處。風杵疑聞玉輦來。

霜鈴似憶鸞輿去。武皇昔日盛遨遊。從官此地曾
淹留。親將萬乘稱佛子。盡許諸生為比丘。馬蹄譯字
焚金靴。鵠眼胡兒賜緋服。傳道西方有聖人。更遣中
官到窮谷。一朝龍馭忽上賓。萬事瓦裂如飛塵。誇息
徒歎正德日。問名半是臨洮人。可憐緇服今遼絕。別
有黃冠售竒訣。見葉愁從月下翻。衲衣老向簷前綴。
由來光寵不足誇。由來窮困無庸嗟。不見閣前秋雨
葉。盡是閣中春日花。

夜過簫凌橋時歸自晉陽

浮名是何物。憐汝類飄蓬。昔別秋將暮。今還歲欲終。
於。塔。荒。店。裏。匹。馬。亂。山。中。長。鋏。歸。來。日。逢。人。莫。嘆。窮。

莊上第齋初成

築室此幽居。清虛百慮如。月明聞鶴唳。風細看游魚。
白鳥時窺硯。青虫任蠹書。平生羞管樂。肯擬卧龍廬。

樓居九日

樓居遙對祝融峯。四顧山河盡楚封。不可一區停馬。
馬敢云百尺擬元龍。良辰况值三冬閏。樂事翻憐九
日重。共把濁醪酒。酌酌莫令黃菊笑。衰容。

送同年張子畏食憲四川

蜀道風烟路幾千。憐君飛蓋去翩翩。青城峯落芙蓉。
外。白。帝。樓。懸。灩。澦。邊。問。俗。定。衝。三。峽。險。懷。人。應。賦。四
愁。篇。江。南。塞。北。多。戎。馬。莫。倚。西。階。獨。宴。然。

陳文燭

字玉叔。號五岳。栢之子。登進士。弱冠為
評事大理。後出守淮安。甫三十矣。與徐
子與。吳明卿。陳維錫。倫紹周。為詩友。擅
名詞場中。皇甫汭。贈之詩曰。政聲新
海。詞賦舊浮湘。非虛美也。予謂近時人
多趨浮靡。此公少為典實。刺准時所刻
五岳山房集。袁福徵為序。

別文燭弟還江鄉

嘯音畫世音讀
史記信陵君曰晉

辭句也

黃花弄色映衣袂。霜葉飄搖落堦砌。天涯愁思已莫
禁。揮淚那堪別吾弟。羊腸道險不足酸。干戈滿地心
仍寒。西陲飛檄有邊報。石州一路俱為殘。檀廬東列
永平郡。中原鼓角須臾奮。胡兒驅馬飲灤河。盧龍百
里井泉近。王車何處藏良弓。封疆橫草無其功。自從
庚戌幾深入。雲火萬炬西山紅。當時將相真可醜。郭
門之外單于走。閨中少婦泣刀頭。陌上行人驚心首。
只今國運正冲融。羽林百萬頗稱雄。翻思笛裏關山
月。更聽兵前草木風。我今日擊已嘆惜。縷縷長纓在

闕下。拳頭得請更見誰。逢人空道憂時者。吾弟做儻
稱吾宗。北學聖主親臨雍。不見匈奴來遣子。今歸
忽遣邊城烽。酒酣僕夫催且止。昨夜燈前書一紙。我
家司馬卧山中。為言時事今如此。詳曰叙當時事謀
人所謂詩史者此足以稱

穀城道中

山晚雲俱亂。石危鳥漸稀。夕陽頻送目。蔓草欲鈎衣。
澗外泉聲合。林間暑氣微。誰言茲地險。世路本來崎。
夜雨有懷

寒氣頻侵骨。張燈一雨飛。浮名是何物。清賞此宵非。
鷄結無新製。魚辛有舊磯。可憐慈母線。不寄北來衣。

渡黃河

雨後涼颼暑不侵。大河落日下寒林。兩條南北分岐路。
九曲滄迴見客心。度口舳舻爭利涉。中原壁馬幾投沉。
臨流不盡悲龍意。恐有魚龍夜起深。

送徐憲使之武昌分得陳字

雙旌南下楚江津。帝里論文此夜頻。黃鵠碧波牽盡
青。山。白。雪。滿。征。輪。芳。袍。不。似。長。沙。道。漁。父。猶。憐。澤
畔身。別後壁間懸榻在。古來交好自徐陳。

送同年林道翹比部之南都

往年春色醉宮衣。此去乘春又帝畿。鳩鵲觀連纖月
曉。鳳凰臺擁片雲飛。三山佳麗原今古。六代文章有
是非。君賦江南哀歌盡。鴈鴻莫遣尺書稀。

清明邸舍

群山萬壑接皇州。匹馬俄驚暮秋投。搖落半生天
可問。蕭條千古土為丘。楓榆已改三春候。雨雪仍添
九陌愁。南顧洞庭何處是。誰將新泪灑新秋。

吳維嶽

字峻伯號霽寰嘉靖間進士累官都察院僉都御史幼頴而氣勃日誦數千言歷官多大節為縣令長揖御史為正即不為嚴相序鈴山詩此大者也王鳳洲曰峻伯燁燁有一時譽至同列相勉得吳生片語如照乘云

長山東發簡青州王使君

整纒發山邑。晨光沒遠堦。寒流冰影綠。殘雪麥苗青。鏡消潘郎鬢。囊探老氏經。東遊欲昂意。孤劍有居亭。

曙霞樓得全字

一雨疑相妬。衝泥怯錦韉。幽懷何所寄。高閣上林前。

山瀟澄新翠。花香響暗泉。醉中頻問夜。斗轉欲朝天。

同諸僚友再遊千佛山二首其一

招提翠微寺。花雨坐消憂。不共東方隱。寧追上界遊。

山迴三觀院。秋落九河流。與合醍醐盞。聞鍾去且留。

其二

秋光動清上。千仞促傳杯。仄石尋僧路。空岩禮佛臺。

湖浮雙樹出。城帶數峯迴。莫為行厨遠。還當問菊來。

得堂字

絳燭清樽遠。遠墻高城鐘。罷月如霜。美人鶴駕揚州。

路子夜吳歌北海遠未許五噫堪擊節尚看三表刺
封囊陪都春色同君到朔雁新詩好寄將

經海子馬上口占

閒行豈為趁芳菲湖水東看入禁闈樓閣倒涵千樹
影笙歌深駐五龍旂榴花歌雨新經眼草色搖沙認
上。衣。通。籍。少。年。惟。混。世。群。鷗。何。事。亦。驚。飛。

萬竹樓有懷

世間萬事成何有。懶。純。由。來。性。已。成。定。勝。陶。潛。叨。祖
澤。山。作。謝。此。劫。詩。名。清。泉。檻。戶。邀。開。帙。翠。竹。簾。攏。引
聽鶯獨酌悠然親枕簟。惟聞伐木一關情。

夜月登樓有懷馮汝言時汝言適遼左未

返

公餘結伴躡層城宮闕連雲雉堞平。花月九衢澄夜
色。關。山。一。鴈。動。秋。聲。登。樓。欲。縱。風。前。嘯。對。酒。難。堪。笛
裏情。西望美人遼海闊。不頭空見塞雲情。

重經平陰立春日飲梁後川憲副第却寄

山城駐節喜逢春。罇酒仍同舊歲人。士運曾依金馬
盛。農。祥。復。見。土。牛。新。雲。中。岱。色。初。褰。幔。冰。下。河。聲。可

閔津組佩西沾壇雨潤笑歌還擬杏花晨

登明遠樓賦

海岱登樓絳帳孤文昌清切啟瑤圖青山四郭春虧
蔽雲樹千門暮有無鑪氣入雲遙盡却鐘聲傍酒落
晴湖憑高樂意琴編在况復如五侯七貴

孝堂西圩道中二首

澗泉繞路十里岩屋樓雲數家何處微風醒酒溪南
紅杏新花鳥度初傳谷韻梅殘猶送林香客心一路春草樵唱

山夕陽

江上聞笛

誰家短笛弄高秋暗逐江風到客舟愁處不知鄉路
近梅花落盡水悠悠

徐爾功

本名繼充號慕東原籍嚴州府隨父宦
灤縣遂占籍馬早年補博士久之棄去
以詩遊公卿間人咸多之

雜言

把鏡默無語雙泪徒潛潛何事鏡中人倏忽非紅顏
卞璞既未售抱泣還空山鐵衣卧秋草霜華濕榆關

狼烟尚不息。何以蒙賜環。願朝一身遠。茫茫天地間。

暮春短歌

桃李花正開。萬里春光好。明朝花欲零。懊惱春歸早。
人生年少能幾何。胡不對酒長高歌。百文自嘆杖頭
乏。青山啼鳥成蹉跎。嗟予三十不得意。豪狂數起傍
觀忌。論文學劍兩無成。臨岐空作揚朱泣。閉門長日
頻傷心。瑤琴有調誰知音。三月東風吹易水。霜蹄燕
市悲黃金。君不見長安羅綺飄香馥。何必胸中文字
富。又不見邊關歌舞慶。分符何必談兵。誇武庫時危
且抱不龜方。畏途且莫追亡羊。世間萬事分自定。古
來倉鼠多餘糧。掀髯大笑青天濶。遮莫相逢冷眼看。
滄江江上有桑田。男兒豈合長貧賤。

吉家庄早行

瘦馬嗟行役。荒城未啓關。澹烟迷小徑。孤月挂空山。
萬感靜中發。百年何日閒。桃源能去問。應只在人間。
端午日哭先父思老母

佳節人間喜。逢時我獨悲。寸心天地折。雙泪死生垂。
子子仍多病。茫茫欲向誰。萸蒲供酒處。往事不堪追。

山海關集詹懷山公子宅上

名園華宴夜如何。共對青山發嘯歌。花裏樓臺分海樹。尊前風雨暗相羅。通家自愧飄零久。世路誰怜感慨多。燕石未投心未了。富春難買釣魚蓑。

無題四首

翡翠亭空燕語高。月華流影照金螯。人間浪說題紅葉。天上何緣見碧桃。滄海鴈魚疏錦字。關山風雨覓團袍。水流花謝朱顏改。多少相思費彩毫。

萬里銀潢織女愁。金梭碧落憶牽牛。合歡帶入三更夢。連理枝分六月秋。自惜紅顏其薄命。如今紫塞封侯玉。簫聲斷天如沈淚。灑青衫獨倚樓。

滄瀛不見鴈飛來。羌笛梅花入夜哀。宋玉有情懷楚賦。劉晨無福老天台。雨中寂寞丁香結。月下夷猶萱蔻開。誤使青樓傳薄倖。驛驢魂夢繞章臺。

楊柳東風舞斷腸。鮫鱗濕淚憶秋娘。情多最恨音書少。愁極翻嫌日月長。綠綺為誰閒玉軫。錦囊空自繡鴛鴦。鸞膠曾說人間有。何處重圍百合香。

春日書懷四首

閉門長日幾傷神。獨擁牛衣卧病身。王播自慚鐘後
飯。范丹誰念甑中塵。乾坤涕淚流雙眼。書劍蕭條又
一春。百事無成人。歎老山城。愁見杏花新。
滿天風雨意。蕭森萬轉愁。鬱不禁。載酒有誰來問
字。抱琴何處覓知音。流雲暮合青山迥。老樹寒凝白
晝陰。壯士莫嗔顏色少。床頭今日盡黃金。

院靜春深獨閉門。一番風雨暗銷魂。微軀抱病思丹
訣。多事傷心付淚痕。歲月幾何鬢髮改。江湖空復姓
名存。千時有策漸長寫。十丈紅塵障帝閭。

泮邊城賦解朝。鷓鴣何處托枝巢。誰怜命薄迷周
路。獨為家貧絕故交。盛代有恩終報答。青春無事且
推敲。花開十二樓臺滿。應見東風到草茅。

賦得下邳婦

十八嬌娥嫁下邳。空幃風雨實堪悲。低頭欲望君心
轉。會淚寒前學畫眉。

周復俊

字子籟。號木涇。崑山人。嘉靖壬辰進士。官南京太僕寺卿。

和宗伯其泉公秋郊留別

涼思蕩碧宇。日暮生微陰。絃歌倚蘭館。載陟嘉樹林。

天漢忽改色。悵違振高吟。祥麟遊四海。神鳥翥千尋。
感世念彌遠。示我瑤華音。如何泉上月。永夜懸清心。
有所思。酉水舟次作。

去年三月滇水陰。今年二月沅州路。風光晚晚愁殺
人。春色飄回忽遲莫。楊溪昨夜春泉發。竹寨沙邊弄
明月。始見繁華復亂飛。愁多不願理春衣。花飛已怯
傷春別。何忍還聽喚子規。沅湘兩岸垂楊碧。白日牽
絲送行客。草際烟橫浦溆香。江聲千轉流雲長。夢魂
驚載寤。水廣何由渡。王孫天末未歸來。公子江南先

有賦。公子王孫散夜愁。愁人難下杏花樓。樓臺第第
迴清溪。山水清圓映去舟。停橈日欲晚。紫嶂猿啼遠。
何處積幽思。幽思似隴坂。臨流歌復歌。濯纓瀟湘裏。
菁菁芳草心。春余紛何已。浮雲有時卷。草色有時結。
相送過吳宮。愁慙向君別。吳宮翹望轉逶迤。層層玉
樹蔭連攏。芳菲帆浦迷香徑。窈窕菱潭帶竹池。萬里
淹仍西復東。一年涼暑春徂夏。春臨絕嶼叩文鶯。曉
涉空津浮白馬。我日思歸今得歸。山中美人音信稀。
東風浩蕩吹梧樹。極目天南鴻鴈飛。

列子餘音後梁
橋三日不絕

安寧對月忽爾懷吳

芳宵華月駐連然。忽憶江臯數畝田。花徑風微春度鳥。松巖雲白夜聞泉。謝庭群從多英妙。吳使篇章總入玄。金馬旅遊非不樂。歌排閭闔乞餘年。

送王比部留都

石頭城畔雨初微。白鷺洲前鳥更飛。十里湖光香蘂蓄。千門柳色點裳衣。僊曹旦旦隨雲入。馳道陰陰信馬歸。知汝公餘振文藻。祇憑春望憶玄暉。

白悅

字貞甫。號洛原。武進籍。錦衣衛人。嘉靖壬辰進士。官儀部郎中。改太子司真。翰林院檢討。遷江西僉事。善師事陽明先生。學該群籍。蚤擅時譽。及遊北雍。士大夫之賢者無不枉過。其意氣高邁。論思雅飾。慨然有孔北海之風。宗子相曰貞甫。詩不離唐調。五言其最手。亦足振響長慶。繼軌太傅矣。

秦省諸君飲愛山園亭

幽林闢瑤圃。飛閣臨華池。高賢啟燕會。慰我遠遊思。情酣衆音翕。日永杯行遲。鮮飈空中來。坐令炎霧披。綠竹蔭雕穠。穠樹緣芳畦。夕照燦雲峯。澄波漾連漪。淵魚伏蒲藻。鳴鳥遷膠枝。歡樂良不極。惜茲光景遲。慷慨君子心。明明孚令儀。散聚靡有常。邂逅天之涯。

春言崇懿德式彼周行詩

夏夜

良夜起永生。遠心鳴素琴。當軒明月出。撫景繁愁侵。
所思在萬里。屆茲諒同心。涓涓淚盈掬。脉脉動悲吟。
悠悠音塵闕。寂寂空裊衾。賸言重惆悵。歌薄自匪今。
不如雙玉睚。歲歲江之潯。

為友人題畫

楊柳摧秋風。蕙葭淨秋水。閒寂綸竿江。海深蛟人夜。
泣龜鼉起。莘野磻溪忽。過時雲龍六合。灑霖雨。嗟吁
乎。人生隱顯。豈在肩。賤賤塵埃物。色如浪翻唇。肯

明月篇贈別沈郡公

少年嫁君時。顏色如花好。君嗟得妻遲。妾幸逢君早。
春溪雙鴛鴦。晴景明如掃。如何忽風波。息愛隨行潦。
知君不終棄。顧妾亦未老。夙夜失勤劬。供調缺蘋藻。
慙忒豈無思。妾敢云自保。匪懈奉姑嫜。何言怨諸嫂。
非君樂新知。視妾如露草。妾欲去何之。憂思怒如擣。
吁嗟乎。君心未必同。秋風齊紈入。暑還相逢。妾心未
必如斷絃。鸞膠續取還相連。古云知己不易得。白首

如新長嘆息。仲天歎訴愁。盲盞撫躬有淚流。臆月
當幾望未圓時。難把光輝測盈昃。試看松柏歲寒時。
却向青天有明黑。

鵲鷓行示舍弟

拒霜花發關河秋。鵲鷓啄食原上頭。群鳥乘處無喧
秋。依依物類無朋儔。突來烈士雄鷓。豺鳴鞭佩鉄馳
驂。追狐走兔旋崇丘。遙空金鏃風颭颭。原鳥驚翔
盡垂羽。南北分棲。自叢樹獨伶雙鷓。鷓失勢還相附。
一飛一鳴一回顧。

山東法海寺次陳翰林韻

忘倦莫登顛。松高翠接天。孤泉飛素練。兩壑鎖青烟。
鳥宿雲林裏。僧棲石竇邊。五湖晴澈滌。新漲欲平田。

上方寺次楊峯韻

竹壑響寒玉。門亭來好風。小橋橫谷口。古塔半雲中。
落鷺帶殘照。飛帆掛遠空。歸舟石湖晚。漁火隔汀紅。

晚過楓橋遊寒山寺用可泉太守韻

眺覽思賢哲。淹留感歲年。鍾聲空古寺。月色暗歸船。
霄漢無書寄。江湖有夢懸。琴尊朋舊在。長嘯處溪邊。

武夷登天遊觀用陽明韻

眺望千溪盤紫雲。溪溜隔林間。祇緣病拙疑忘世。豈謂遨遊敢負君。步蹇不逢霄漢侶。樓遲真受薜蘿群。華嵩太嶽虛塵外。卜築須求一壑分。

卧病官齋懷王江南

春色灑灑滋春愁。夢忘故園沙棠舟。三星在戶夫人遠。皓月銀河空夜流。燈花照酒獨看劍。短笛吟風誰倚樓。同時相聚不相見。相思莫漫相悲秋。

春胡春晴之作韻

雲捲春風拂柳晴。新鶯如語傍人鳴。忽憐兒女自娘國。且集衣冠共帝城。落月三秋禪榻夢。驚心五夜禁鐘聲。帶鉤雙劍光初動。欲向王孫寄遠情。

官齋牡丹

拂地晴雲捲慢來。舞風陣陣遠花臺。真憐國色潛虛館。浪說仙魂謫上台。解語漫逢迎日笑。托根那得倚雲栽。一枝別有餘春在。留向秋齋玉露開。

包節

字元達號蒙泉華亭人嘉靖間官御史請戍所著有臺中滄中二集顧玄言曰元達詩意象都新融煉並工令人炫目傾心

平越夜行

侵星飭徒侶。畢景驚脩岑。流雲還暮山。歸鳥棲舊林。
伊予不遑寐。勞勞陟崎嶇。山形既綿亘。叢薄鬱蕭森。
崇岡虧朗月。密木蔽層陰。虎豹當路號。猿猱擁條吟。
仰睇何遼邈。單讀盡爽音。駕言何所之。將邁昆明濔。
故鄉眇天末。所忌安可任。

同吳山人松林宴集

竹院藏深宇。松林響素濤。坐淹十日飲。興洽五陵豪。
雲氣盈歌扇。霞文散舞袍。更憐吳季子。清嘯滿江臯。

贈陸玉山

詞賦元推陸。花封不讓潘。仙成還帶履。薦數已彈冠。
山玉人如美。溪水官並寒。相逢一此話。頓使客愁寬。

玉山有水溪

胡將軍携宴宛卜寺納涼

愛客携芳宴。諸天幾度過。禪心斷綠竹。幽興托烟蘿。
日為揮戈久。涼因擁樹多。留歡殊未已。諱劔坐明河。

秋夜

淒清旅夜夕。徙倚對明河。庭樹銷籜省。寒蟲避翟羅。

鴈歸砧響急。烽至角聲多。不寐隱憂者。長更柰若何。
和李山溪上無題作

不信傾城笑。遣人今始知。圖堪遺冒頓。色本奪燕支。
蔡琰降胡日。王嬙出塞時。華容能正否。吾欲賦陳思。

與客野坐

步屣因逢客。班荆偶列筵。錦茵花滿地。翠幙樹彌天。
瀑寫漁陽摻。鶯調陌上絃。因忘巢燕日。聊慰問漁竿。

訓和周君弼過訪海上之作

搖裔銀河擁使槎。問津先過尚平家。江干共籍王孫
草籬下。初開隱士花。龍帶海濤歸別浦。鶴過沙渚曳
明霞。物華天畔堪終老。故向黃扉早裂麻。

彭城贈顧一諫議自居庸遇赦還蘇州

歲晚逢君塞上來。紫貂零落劍光開。猶思玉殿批麟
日。敢望丹霄托鳳迴。去國幾經邊地草。還鄉初放故
宮梅。長洲茂苑長堪隱。漢帝能忘賈誼才。

同周岐麓臺長泛西湖宿藕花居

湖畔乍逢驄馬使。沙行同入鷺鷥群。六橋水抱珠林
月。兩笠峯盤寶界雲。岸柳藏鶯侵坐處。園花隱麝隔

溪聞况同佛院移蓮榻。共息塵機理貝文。

臨淮遇雪

白簡彤庭幾抗章。一麾銅墨便為郎。關門變柳猶飛雪。縣郭無花祇避霜。雲接楚山聊隱吏。地臨淮海舊興王。可應禁闥違長孺。帝念中節是沛鄉。

桃源洞

武陵山徑碧嶙峋。茅屋褐衣此避秦。深洞草荒猶有水。舊溪花落不知春。白雲天路人何在。滄海年華世幾新。每歎卜居勞夢想。竭來何事只風塵。

山即事

夷前閣。虛靜掩扉。點蒼西望翠。霏微雲。裁玉葉。和烟。瀑。濺珠花。映雨飛。石洞驚秋龍不起。松枝將暝鶴初歸。冷然忽動餐霞思。擬陟丹丘一振衣。

九日與客小坐偶對鸚鵡兼聞笙

滄中留滯兩重陽。一上烽臺思渺茫。落葉共為江海客。野花香薦歲時芳。當筵解語調鸚鵡。隣院吹笙寫鳳皇。子晉稱衡精爽在。豈憚愁緒勸飛觴。

贈俠少年

蚤隨飛將戰龍沙。日晚收營過狹邪。下馬真趨盧女肆。痛樓誼笑擁琵琶。

潘恩

字子仁，號笠江，上海人。登嘉靖癸未進士，累官司空，兼總臺憲。穆少春日潘詩，沉厚有氣，俞是堂曰：公平生渾厚和平，詩亦似之。

西蘆辭

淞之西兮維水蕩蕩。蘆蒼蒼兮白露為霜。幽人處兮水中央。芝為粲兮荷為裳。音寒沈兮琴瑟。夢上古兮羲皇。

樓子石

臺磴鬱積層。日夕籠雲氣。天迴石鏡光。風捲珠簾流。仙人好樓居。飛軒下來赤。

贈吳隱君

之山舊隱吳門市。玩世仍為五嶽行。萬里乾坤縱心賞。四時風物恰詩評。柄逢翰墨同摩詰。漢落烟霞類尚平。羨爾塵俗都不染。惟餘篇什博聲名。

登瑯琊山寺

路轉瑯琊草樹深。偶聞鐘磬識禪林。清泉異石張圖書。斷勒穹碑擢古今。攬秀霏微空色相。譚經振蕩海

潮音。草簪投却如何。乞與山人論素心。

和舜原勝果寺

浮圖迤邐帶山隈。石徑紆徐接露臺。劍嶺烟霞琪樹。合梓州風物翠屏開。處無屢閣當空見。颯杳曇花匝地迴。盡日淹留情不極。始知人世有蓬萊。

和舜原梓州東山寺

虎溪東上白雲居。棟宇冠山洞壑虛。岷水烟波千里外。禪林金碧六朝餘。蝸行篆刻侵蚪斗。燕掠經床落蠹魚。對竹焚香塵市迥。蒲團終日翫真如。

顧夢珪

字武祥號雍里崑山人登嘉靖二年進士仕至福建按察使

送吳山人遊浙東用天台賦中語

微竒憶康樂。擣藻懷興公。瓊臺日月古。朱閣烟雲通。八桂凌清霜。五芝敷惠風。龍湫懸素練。石梁跨青虹。眷茲穹隆境。棲遯繁靈踪。應真躡寥廓。王喬覲天宗。之子猶長往。吟嘯華池中。清緣永相結。暢矣發遊蒙。

灤縣行

入城半里無人語。枯木寒鴉幾欲啼。字蕭蕭酒肆誰當。壚武清西來斷行旅。縣令老羸猶出迎。頭上烏紗半。

塵土問之不吝橫雙眉。但訴公私苦。復苦南。雷飛蝗。兩傷稼。春來况遭連。月雨綿城之西。多草壤中。官放馬來。旁午中官占田。動阡陌。不出官租地。無主縣中。里甲死。誅未請看。荒墳遍村塢。

南康公署對五老峰

孤亭日暮松風哀。廬山迤邐春雲開。雙飛白鶴凌丹闕。萬朵青蓮傍玉臺。五老不言復不笑。海色湖光長照耀。招之不至勞我思。今古無人訪孤峭。那知湖海幾揚塵。曾閱桃花萬度春。吳爭楚鬪皆如幻。白石蒼波粼粼。上方鐘磬近明月。悔向人間早華髮。雲去雲來秀可餐。安得梭簪卧林樾。

題吳之山投贈卷

山人長玩世。鄉相總憐才。盛製傳江海。高情問草萊。燕關衝雪度。漢苑帶春迴。篋裏長揚賦。從今達上台。茶洋驛壁間讀王道思留題

分飛歷下兩經春。忽見籠沙錦字新。粵地山川谷吏隱。梁園詞賦憶風神。朱絃寡和憐英妙。瑤草無緣遺遠人。知子宦情如野鶴。往來休厭素衣塵。

謁禪師瞻公影堂

自是維摩再現身。古松寒月寄風神。暑年舊事渾疑
夢。慧眼相看似有因。海上浮雲行八極。山中浩劫閱
千春。何時解脫從公往。錫杖逍遙入紫旻。

萬丈潭觀蓮花

蕩葉新秋洲渚長。漫隨鷗鳥過隣庄。仙姿似解風前
語。野興偏尋水際香。醉引碧筒承露滿。晴熏紅錦護
雲涼。衰遲休說乘槎事。玉井銀河在故鄉。

劉汝楠

字茂才。號南廓。同安人。嘉靖
士。湖廣提學僉事。

科進

過洞庭湖

洞庭木落楚城吟。寒雨蕭蕭暮鶴沉。平浦四臨堪極
目。高樓一上欲沾襟。湘君祠古煙波迫。帝子臺高歲
月深。不見臨流濯纓者。空聞漁父扣舷吟。

強仕

字登甫。號

無錫人。嘉靖中德州知

江上晚發

日出日猶在。蒼茫野色開。語喧知市近。風急聽潮來。
一片征鴻影。江帆相逐迴。

秋晚山行小酌吟社

皇明言 卷三十一 十九
地接巖泉勝。交於布素宜。自携桑落酒。來趁菊花期。
澹泊浮生話。縱橫入夜棋。更憐吟社近。重款壁間題。

和晴海韻

各自適吾真。胸中滿貯春。暢懷須是醉。寄傲却宜貧。
客訪常侵夜。高眠不覺晨。世途多偏側。魚鳥自相親。

咏尚平

子平謝累辟。雅志在隱居。乏食或有饋。取足反其餘。
讀易深自悟。世界等蘧廬。謂貧富不及。謂賤貴不如。
勅言婚嫁畢。家事母關余。同好有禽生。肆志相與娛。
五嶽遊躅遍。高風映簡書。

咏王霸

儒仲有清節。始亦赴徵命。造庭抗高辭。不肯臣萬乘。
歸來事躬耕。蓬藿掩門逕。翩翩故人子。相過容服盛。
一念兒曹羞。客去卧不應。賴有賢婦言。不失初守正。
嘉遯遂終身。清輝兩相映。

咏梁鴻

伯鸞古賢人。乃在杵臼間。夫婦共守志。逃名入深山。
舉案每齊眉。睢鳩兩關關。淒涼五噫歌。東出辭帝關。

齊魯復荆吳長往遂不還為傭豈無勞顧已少外患
終塋烈士旁高風邈難攀

（鄔紳）

字佩之號南涯鎮江人嘉靖丙辰進士
官四川按察使

宿良鄉天王寺

驛路絕浮埃城闈寶殿開諸天朝魏闕六道接燕臺
珠樹鶴飛去金蓮龍駕來晨鐘促征客結駟入蓬萊

送嚴節推之楚兼簡吳黃州

別君何所贈文賦媿相如白下雙龍劍蘄陽一雁書
寒江夏口淺落木郢城踈傳語齊安守無勞嘆索居

獨坐

薄。業。書。千。卷。浮。名。酒。一。觥。時。聞。瀨。海。濤。夜。見。泰。階。平。
羸。馬。心。安。在。屠。龍。技。不。成。年。來。何。所。事。端。坐。學。無。生。

謝公子東園餞別

芙蓉別殿接龍樓曉日氤氳佳氣浮青嶂盡教紅樹
遠。碧。江。翻。向。錦。屏。流。東。園。公。子。開。芳。宴。南。國。仙。郎。賦
遠。遊。此。地。令。人。不。惜。醉。更。看。筆。月。滿。皇。州。

同崔黃門阻風桃源

金書玉節向皇家畫鷁朱旛駐白沙柳堰東風紛舞

紫。柳。園。流。水。亂。飛。花。雨。中。林。壑。仙。人。宅。雲。水。旃。旗。高。
子。輒。勝。地。只。今。多。寂。寞。與。君。對。酒。莫。長。嗚。

陸果

字原仲號雲濤無錫人舉於鄉為廬龍尹罷歸自號江南貧士俞是堂稱其詩賦文劄博綜今古各擅所長也

芙蓉畫幃

倚雲和露與難降。泣帶繁霜蒂尚雙。何處園林偏夜
月。幾船蕭鼓過秋江。芳菲懶去依金谷。消息無緣到
瑣窓。風裏白蘋高下舞。孤根無伴影幢幢。

加餐

終朝高卧自如餐。多着春衣却晚寒。且趁客舟延歲
月。怕隨人世入波瀾。園廬漸與桐鄉近。節令驚聞穀
雨殘。皂帽管寧還木榻。敢將長鋏笑馮驩。

下剡溪

家在吳中越越船。赤城歸夢已三年。空江候月拋烟
裏。春暮占秋穀雨前。已分世情容我老。不知山色為
誰妍。閒心久習無生學。裸足何勞挂絙錢。

夜泊松陵有懷友人

人靜吳江星斗寒。驛樓新月漏聲殘。酒醒蓬底還聞

知春去人間。莫倚欄抱朴已。其居委巷。獻書加許。到
長安。荏州太守。膠州伯一在。林泉一蓋棺。

送是堂先生按察湖南

臬使逢秋入楚城。文場猶有舊諸生。會看四澤魚龍
化。更喜三江島嶼平。夜靜君山誰鼓棹。月明仙子自
吹笙。吾衰却欲遊南嶽。預為山靈道姓名。

山齋自咏

雲影參差過硯池。滿窓新雨綠絲絲。郡庭三日無呼
喚。寫得當年瘦馬詩。

王

瑛

字汝玉。號石沙。嘉靖壬辰進士官侍御。

過沙嶺平

迴嶺依雲起。雙旌拂雨過。村村花稍發。樹樹鳥還歌。
野闊平沙合。煙滋漫草多。驅車時一憇。山郡報民疴。

除夜書事

山城鐘鼓報寒遲。小擁爐薰檢客思。臘盡春生還此
夕。酒狂詩瘦定何期。簾香暗裊梅風入。雲氣晴連竹
鶴移。忽忽行蹤傷老大。夜深燈火祝光危。

潮平濯足

皇明詩統 卷之二十一 十一
潮落晴江風不生。黍春小試踏莎行。亦知不是紅塵足。却喜滄浪愜野情。

東光道中夜泛

冥樹高寒雲不生。長河解纜覺舟輕。津鳧隊隊如相識。飛上霜堤伴客行。

華雲

字從龍。號補菴。無錫人。登嘉靖辛丑進士。刑部郎中。平生為詞賦。篇帙甚多。

荆溪舟次寄荆川太史

林卧殘暑微秋高。木葉下荆州。突千峯鬱鬱。若干近對之懷。古人徘徊不能舍。儻獲接寤言。願以中懷寫

白雲何悠悠。輕翼安所假。愆期徒詠思。水木澹雲野。

邑侯索賦巫門夜雨盡意

長空望不極。蒼茫渺湘浦。隔嶺暮猿號。帆落巫門雨。溟溟連遠天。風急蛟龍舞。少焉秋濤平。高歌醉漁父。

秋日同文三橋諸君山中小集

白社通初地。高居事事幽。登臺環樹影。欹枕落泉流。野酌自成興。清歌復倡酬。歸鴉遶林外。談劇未能休。

送盧浮丘遊玉屋山

昔時擁傳經河北。玉屋星壇在望中。秋草幾年思舊

路暮雲千里憶征鴻。陰晴忽變清虛洞。半斗中分日
月峰。翹首僊臺如隔世。送君恨不與君同。

過真州訪蔣南冷叅伯不值吳門之遊吳門約渡江為

望望休園何處花。送來題字意難忘。江頭新柳初堪
柳谷口梅花猶自香。速去但知鄉夢切。偶違猶恃淡
交長。乘春好赴吳門約。莫負鶯花水竹鄉。

九日登天界寺昆廬閣是日遣人上乞休疏暫寓萬松庵

朝來引疾寄林丘。手疏新題已乞休。瘦比黃花宜去
國寺多紅葉。倍驚秋偷安卧起三竿日。乘興間躋百

尺樓。雲物淒涼倚闌處。一聲旅雁不勝愁。

除夕

夕陽冉冉下重闌。客悠悠白髮新。無意殘燈猶戀
歲。可憐舊曆欲拋人。山中星影回清漢。雪後梅花待
早春。漫把瑤觴對關士。不知誰是異鄉身。

谷何吉陽考功

東風入戶語流鶯。綠
一辭陰陰色界清。虛谷停雲連夜
夢。春城載酒故人情。園梅半白如窰堦。柳舍青
送行。只是好懷忘不得。對君眉宇道心生。

何汝健

字體乾進士官

號龍溪無錫人

嘉靖三十一年

春日華秀才招遊冠龍山居和九華明府

韻

尋山陟高閣。共憇迥龍林。叢薄花交暗。芳臯積翠深。
清尊浮臘蟻。喬水轉春禽。愜意時延賞。偷然生遠心。

早春過顧使君春草閣

柳色日吹綠。東風忽水滋。閣中楊子草。池上謝公詩。
薛作林衣暗。雲歸峰帶奇。西濠新月白。迴望去猶夷。

王崇古

字學甫。號鑑川。山西榆川人。登嘉靖二十年進士。官太子太保。兵部尚書。所著

送吳霽寰歸江南

悠悠春已暮。長風吹遠天。河橋楊柳色。與子暫留連。
別酒莫辭醉。去去即言旋。念我平生親。三五隔風烟。
豈無長相思。遠道不可傳。願君崇令德。相期以百年。

離別難

別離難。長安九月秋風寒。秋風吹落蘇門柳。離人對
之。摧肺肝。憶昔辭家事。遠遊昆弟送。我唱山頭看。
一杯未及飲。離魂斷。雙淚流。歸來伯仲不相待。舊

業惟餘我。不在翻思。祖德遠貽謀。寥落家門。增感慨。
丈夫不遇。緣數奇。我兄五。十猶布衣。著書高。引河汾。
聖行吟。并茹首陽薇。三年抱玉。遊京國。為憐骨肉。遙
相憶。征鴻幾度。復南還。渺渺長空。動秋色。人生出處。
會有時。我兄晚成。當在茲。遊經萬里。同司馬。賦就三。
都見左思。今朝把酒。送兄歸。愁見鶴鴿。原上飛。念我
遲徊留。帝里思兄。何日。到庭闈。清霜。匹馬。行山路。
孤舟。京。月。黃河。渡。吁。嗟。此。別。不。勝。情。離。歌。歎。歎。白日
暮。

庚戌九月將赴金陵夜泊廬陽聞虜犯近
郊識感

江上初收雨。嚴霜已渡河。漢兵聞出塞。胡騎竟如何。
鴈陣凌秋盡。笳聲入暮多。武陵遺曲在。慷慨不成歌。

九日送齊鷹歸金陵

頻年九日多蕭索。况復今年送客回。衰柳忍將霜葉
贈。黃花愁對別筵開。秋江鱸膾他時興。漠殿茱萸此
日杯。世路未占携手處。天涯蹤跡總堪哀。

毛起

字潛濱號青城夾江人嘉靖中官濟南
太守

叅伯登齋張丈遊依鳳寺不獲陪行因寄
蘭若諸天近。松杉一徑深。風帆動空籟。雲蓋結重陰。
嶺上蘇門嘯。林中叔夜琴。同懷不同賞。相逐寫瑤音。
江行雜咏

白雲不下山。只結青雲友。如何出幽谷。又與烟波偶。

鄧儀

字文度號為山無錫人嘉萬間隱涇洛

姚文見詔病懷之行次韻答贈

經時不出戶。繞徑薜蘿侵。曳履迎人懶。翻書閉閣深。
辨魚志寤寐。題鳳廢招尋。老去一無累。知君尚古心。

顧九華臨池亭二首其一

使君休沐處。雲卧武陵深。落水餘寒徑。高樓出遠林。
臨池酬藻興。留客對花吟。茲地足幽勝。惟容二仲尋。

其二

臨池朝染翰。君亦愛鵝群。石榻水雲黑。亭含花氣薰。
截山流勝賞。前浦瀉清芬。好事堪乘興。寧論白練裙。

題談安平西莊

草堂依惠麓。真隱學長生。竹裏茶烟細。梅邊鶴夢清。
雲深無轍迹。林閒有書聲。春雨一犁足。效人望省耕。

九月六日茅齋坐雨悵然有作

衡門寂寂掩青莎。風雨窮秋苦病魔。菊近重陽花未
放。年逾六袞鬢全皤。琴懸古壁知音少。快散閒窓落
葉多。宋玉悲來魂欲斷。停雲空望友生過。

寄王司廳

不受元規拂面塵。歸來仍領五湖春。投閒擬結睢陽
會。未老甘為角里人。檻外鶯花成勝賞。眼前蕉鹿總
非真。騷壇振響名逾重。肯遣清詞到隱淪。

吳祠部石臺新城次韻

六龍城邊季子臺。六龍城外畫圖開。遠天歸雁隨雲
沒。極浦春帆帶雨回。泉脉千年通古竇。星光五夜逼
中台。江山文藻留詞賦。為想風流宋玉才。

閒居次尤懋華韻

浪說題詩籠碧紗。且將罇酒對林花。醉來何物能消
渴。只學盧仝自煮茶。

范惟一

字于中。號中方。華亭人。嘉靖辛丑進士。
憲副督學兩浙。

挾瑟上高堂

趙女倚新粧。含顰緩上堂。徘徊猶按瑟。顧盼轉生光。

初調凌宮徵流徽引鳳凰停絃且莫竟只恐斷人腸
春日同諸君遊天寧寺遇覺公

出城猶未遠入寺已蕭然覺處諸天淨空邊一榻懸
香花飛迓客幽鳥語參禪况復逢玄度支公有勝緣

送吳寤齋給諫使琉球二首

尚方麟服報新裁朝論同推季子才玉節初從三殿
下金書遙自九天來槎浮雲漢心同遠帆信風濤思
益開為灑息波臨異域非探仙笈訪蓬萊

青瑣方當入洛年皇華先賦遠遊篇誰言馬史窮南

北選與張騫互後先寶籙天邊傳琬琰官儀海外仰
神仙懸知來往多延攬徧采風謠達御前

送皇甫百泉持憲之滇南

廿年詞賦重交期此日星輶動別離節使遠馳黃鶴
嶺瘴雲初散碧雞祠雕戈按野空蠻落繡服行春肅
漢儀言念故鄉塵未息願將長鉞報相思

家弟于公初舉進士奉部檄行役代州將取道甯歸喜而有作

漢廷初重季方才晉國俄傳部使來西望雲連鷓鴣

觀南來山接鳳皇臺
秋風江上帆將度
春草池邊夢正回
言念國恩深未報
與君期共効涓埃

裕州得季弟職方書

惠連書自薊門來
想見金莖霄漢開
春草無勞池上夢
秋鴻已度鄴中臺
憐余獨對薇花生
念汝頻折柳回
中外承恩慙列宿
還期競爽二難才

范惟丕

字子公號中吳惟一弟登嘉靖甲辰進士歷官尚寶卿

同林阜南訪莊小山於萬福菴

郭外尋幽事蕭然
出世心一逢濠上侶
轉覺思彌深

野色和烟暝
香花帶雨沉
玄言已超忽
况復遠公林

清源道中贈吳憲副

憲府弘開握上遊
環回真拱帝王州
萬方禹貢通

輸輓百道秦關屬
壯遊謝朓裁
詩風滿座劇
是清嘯月當樓
長城賴有君
侯托南顧
應紓聖主憂

秋日集中方兄園亭

幾年京洛寄塵踪
此日家園得過從
三徑久疎裘仲約
一尊今喜棣華逢
亭臨灑瀨流芳藻
樓倚虛無接遠峯
日暮憑高將眺覽
可堪西望白雲封

楊 鉉

字晉夫號鷲山武進人嘉靖中鄉舉

昭君怨

自小賦閒麗何曾窺戶闥十七獻君王無由奉顏色
一朝嫁單于遂棄父母國迢迢向飛狐脉脉祁連北
不及南來鴈雌雄兩相逐馬上聞邊聲為君轉於神
寵非君所移命豈君所逼妾生自薄命丹青恨每恣
永夜月同孤琵琶寫心臆

都下送顧九華下第還吳二首

十月繁霜樹影疎聞君歸去意何如清才自信多賓

薦逸興翻能憶舊廬楚岫雲寒橫獨雁潞河春水
雙魚試歌黃閣空江賦不待韓公再上書

匹馬凌兢遠道寒問君何事去長安吳中久讓相如
賦日下應彈禹貢冠世路紛紛悲道拙交遊零落嘆
才難到家纔掉梁溪曲題得新詩蚤寄看

王叔承

字承父號崑崙吳江人

百古

東風枝上動一鳥鳴芳林報曙憐千轉調春悅百禽
夢殘疎雨歇聲斷落花深只恐迷青帝黃言巧不禁

入越觀潮同陳濟之諸子兩宿

孤帆下石門。旅宿暗秋原。兩岸蘆花雨。幾家桑柘村。
酒堪今夕醉。心與故人論。此去錢塘近。江潮引客魂。

宮詞二首

柳外鞦韆拂綺樓。舞闌初解翠雲裘。玉鞭夜踏桃花
馬。萬朵銀燈照打毬。

長門一賦賣千金。可得君王舊日心。見說茂陵多薄
倖。文君原有白頭吟。

朱永年

字仲開號荆溪揚州儀真人嘉靖間光
山令所著有朱仲子集其詩有曠達之
趣超忽之懷多可傳者

春日同象安過芝溪別墅

芳草經時綠。沉湮獨閉關。白雲生戶外。流水到花間。
林逋春前筍。窓含雨後山。寥寥雞犬寂。疑是入商巖。

夜過蕪城

故園渺何處。薄暮尚南征。峭壁孤雲斷。長江片月明。
風烟迷遠業。道路入蕪城。棹泊蘆花夜。寒沙宿鳥鳴。

送少岡郭黃門北上

千里識荊州。那堪又遠遊。蘆花兩岸月。帆影一江秋。

離亭燕。雲杳相思。楚水流。不知青瑣客。寧復念滄洲。

田園雜書

落葉能堆屋。飛花解滿床。塵封窺鼠跡。書暗借螢光。
卧石披雲墜。風零拂水涼。斜頭楊柳下。白眼似嵇康。

送人入蜀

巴江學字轉棧道。入雲平。回首鄉關杳。攀綠樹。秒行
懸巖留鳥跡。背嶂響猿聲。度隴淹晨暮。淒其江漢情。

象安留宿江庄

欵杖村舍宿。烟火望中疑。到門驚犬吠。秉燭話心期。

巖高月出早。林靜鳥歸遲。不緣雞黍約。誰共卧茅茨。

二侯子夏日見訪

嗟予皓首卧。相霞五畝荒。園處士家。倦鳥依雲時。出
岫幽泉瀉。澗半浮花山。深白晝無車馬。兩歌松稍滴
露華。誰傍楊雄問。奇字紙。應呼酒對侯。芭

送谷明府還歷下

高才脫畧漢公卿。何事依依意未平。常共閒雲棲古
寺。獨騎羸馬過荒城。關河水帶春潮綠。驛路山橫暮
雨晴。稷下風流勝文藻。為余長揖謝諸生。

冬夜別郭第

山川百里各風烟，歲暮分襟重惘然。
月照梅花隨棹去，棹寒催銀燭暗離筵。
天涯飄泊難為旅，世路相逢易隔年。
莫怪驚心玄鬢改，關雲嶺樹總堪憐。

江上遲郭使君不至

遠遊留滯客，荒城一夜離心。
芳草生常候，殘潮迴野艇。
只愁涼雨坐深更，捲簾江上晴山出。
開閣江天宿鷓，明孤館燈消人散後，恍疑落月夢初驚。

宋延年

字仁甫，益都人，嘉靖間禮部司務。

遊雲谷寺

十里松陰一徑斜，偶從林下聽三車。
山僧不識廬中客，古洞能開象外花。
地入相蘿埋虎豹，山回靈谷隱琵琶。
歸來漸覺諸天遠，回首驚看髮已華。

朱察卿

字仲憲，號象岡，上海人，自稱醉石居士。
太學生，嘉隆中嘗遊吳楚間，其文法西京詩法，開元以前語。

感歌行

妾年十六時，侍君梳與髻，聊比絲蘿草，難效鴛鴦禽。
風波生洞房，素指即分襟，惟彈去時淚，肯易來時心。

江水不西流白日詎東沉思君苦長夜因之理瑤琴

荆軻

匕首無功壯士醜函封可惜將軍首秦庭一死謝田
光社稷何曾記存否不知秦王環柱羽舞陽在前何
所為當時太子不早遣待客俱來應亦知

送美人為尼

送爾桑門去徘徊尚可憐蚤持髡髮或因悟捨身緣
鸞影藏心鏡桃花幻鉢蓮巫峯雲已斷偏得近諸天

寄謝茂秦

憶昔長安並馬遊醉來曾向酒家留風寒易水荆生
劍霜落燕山季子裘白雁廿年誰折簡青山何處獨
登樓當時接贈驚人句風雨長生匣裏秋

郭次甫下焦山訪予賦贈一首

躡蹻常懷獨往生開門今喜得逢迎春霞已領山中
業白雪翻嫌世上名委巷看花寒氣薄高樓觀海大
潮平十年已作三江客明日重為五嶽行

枕上贈馮子喬

卧病深秋夕掩扉思君同調世應稀古今誰鑄雙龍

劍天地惟留一布衣。酒醉寧為豪士放，青錢猶在昔人非。逍遙曳杖空江上，目倚崆峒看鴈飛。

趙綱

字希大，無錫人。遊邑庠，不第。二十九歲而沒。性嗜酒，能詩。詩宗錢仲文、劉長卿、黃勉之。見所作，謂混入唐人中，不易辨也。其為詩筆所推重如此。

寄金陵邃上人

蕭寺昔追遊，高僧有惠休。竹間書偈別，花裏聽經留。月落鍾山曉，雲深楚樹秋。懸知行坐處，亦自想南州。

送陳老歸四明

憶昔南湖上，相逢有太丘。而今復遠別，其柰故人愁。

綠樹藏山驛，紅雲結海樓。可憐今夜月，同爾過吳州。

寄懷陳朝宗

秋風尊酒惜離群，幾日相思過夜分。三徑廢來猶對客，四愁吟罷更憐君。靜聞湘竹傳幽籟，望入湖山隔斷雲。人事音書兼寂寞，滿庭黃葉正紛紛。

柬友人

一曲勞歌怨未平，世途方見槿花榮。十年留滯周南客，萬里風雲薊北情。縱酒祇愁成懶散，避人常恐有將迎。山陰故舊頻相憶，獨倚高樓望月明。

春興寄姚舜咨二首

白日青山歲復春。樂遊原上擁朱輪。陶潛嗜酒寧辭
醉。原憲逢人不耻貧。薊北烟花新帝寐。江南水竹舊
比隣。英雄滾滾誰知己。笑整儒冠為拂塵。

澤國春深興頗長。紅泉翠壁縱徜徉。鴈迷湘渚雲先
暗。花落吳宮雨正香。竹圍圍談新結伴。高亭脩禊舊
傳觴。不知咫尺長安地。誰奏甘泉入建章。

寄題黃仁和士尚山居

水邊蘿屋遠塵沙。風景依然五柳家。春雨恐傷吳甸

麥。晚窓欣試越州茶。山僧謾約來分竹。酒伴仍呼去
看花。聞說漢庭方奏賦。相如空自負年華。

閨怨

明月臨羗壘。飛星落漢營。願隨星月影。得到三師城。
和谷王山人春日見寄

子規聲斷夕陽斜。竹裏柴門掩落花。幾度春來問行
跡。武陵深處欲移家。

徐渭

字文長。山陰人。有聲庠序間。後以獻白

几上篇

呂師翁餉以羸肩。為人所奪。時翁
寓郡。余在獄賦呈。

骨肉閨臺使。生魚屬校人。味珍宜染指。意到即沾唇。
黃霸知烏櫻。張湯抵鼠詢。自憐如几上。念此益酸辛。
楊妃春睡圖
守宮夜落胭脂臂。玉階草色蜻蜓醉。花氣隨風出御
墻。無因知道楊妃睡。皂紗帳底絳羅委。一團紅玉沉
秋水。畫裏猶能動世人。何年感天子。欲呼與語
不得起。走向屏西打鴉鴉。為問華清日影斜。夢裏曾
飛何處雨。

春日過宋諸陵

落日愁山鬼。寒泉鎖殯宮。魂猶驚鉄騎。人自哭遺芳。
白骨夜半語。諸臣地下逢。如聞穆陵道。當日悔和戎。

白燕

閒庭盡日見。還掃院院梨。開去漸微別。殿幾年埋玉。
畫。舊人何處認。鳥衣春風水面。徒聞語。夜月梁間好。
弄輝。安得姚家紅線綫。却看片雪帶花飛。

王涑

遼陽人嘉靖中貢士

失題

百折烟梯繞石城。天門冉冉傍雲行。瑤壇過雨藤蘿

言明詩錄 卷之三十一 四
淨。玉樹翔風鶴。鶴驚煉藥散。分丹竄火步。虛時聽洞。
蕭聲。迺隨空。有盧敖。故婚嫁。何時慰。向平。

汪顯節

字子健。鄞郡人。嘉靖間隱於吳門。

贈水南上人

淨業南洲上。跏趺不計年。錫衣健樹掛。禪對一燈懸。
慧鳥窺香飯。慈雲護碧蓮。那知空谷歇。華雨石龕前。

鄧欽文

字微甫。號薇山。江陰人。

卧佛寺

佛卧何時起。空山日月低。花從開智慧。樹幾長菩提。
世事浮雲夢。吾生待指迷。白毫如可即。香象復來西。
碧雲寺上懷少宰

乍到春僧淺。重來路已深。住山僧解姓。出世水無心。
池月涵空相。曇華落梵音。遙知謝康樂。幽意滿東林。
洪光寺懷汝立陳丈

寺裡還藏寺。山頭別起山。磴盤千級上。僧占一峯間。
秀色杯前墮。孤雲杖底還。元龍負奇好。惆悵不同攀。

王懋明

字僅初。長州人。顧玄言曰。僅初。蚤年英爽。讀經書。經目成。誦畫心不忘。且長於哀。撮舊聞人。稱為五經筍云。

秋夜宿善權寺碧巖精舍

香霽歛夕曛。言放白雲際。松栢陰上窓。香煙出人世。
中有受戒僧。問姓請留憇。半天風露寒。暗竇泉聲細。
片月升東峯。普照山門霽。鍾梵在寒廓。林霏結蒙翳。
齋心悟三主。設難排群蔽。拂曙辭精廬。獨留半行偈。

請諸公山樓晚坐

晨興坐南巖。群峯發早翠。捲簾眉髮寒。對客心魂醉。
予生好靈竒。陟覽輒忘瘁。况茲高秋日。爽氣澄天地。
霜樹鳴初陽。風泉聒陰隧。且後訪仙期。徘徊此幽致。

丁未孟夏卜居鷺湖

風齡厭囂處。湖邊聊聚廬。五柳陰到門。客子携家初。
歡言治隱計。織屨蕪藝蔬。妻孥晒荒陬。而我良自舒。
霞鳥足幽賁。水竹清隱居。開簾峯翠繁。蕩舟潭月虛。
心與勝槩遇。跡將城府疎。徐真黃精飯。銷憂老氏書。
了悟損益理。何管僦石儲。霸陵栖伯鸞。臨邛有相如。
古人自達命。大塊寧窮予。

春日旅懷寄黃施二子

客舍春已半。梨花開未齊。病懷聞鳥倦。鄉夢到家迷。

祇是生謀累。長令心賞違。未知相憶否。予日望絨題。
思閒草堂燕集

黃葉蔽林巷。幽人成隱居。水田禾刈後。家甕酒熟初。
地僻鳥群逸。天寒山翠疎。衡門笑以語。罷。新月映前墟。

秋日閒居漫興

僻境但流水。秋風隱計貧。石門槐葉長。障屋荳花新。
晚食常依鳥。禪心嬾問人。將師廣成子。澹泊任吾真。

碧草軒燕集

昔遊常愛此。重到悅心顏。花滿澄湖曲。杯香豐草間。

鳥翻山照夕。雲度水窓閒。信是忘憂地。無因與盡還。
諸作皆淡雅可愛

寄吳參軍

分攜忽忽換年華。夢裡迷途祇自嗟。夜話數留蕭寺。
月春遊常醉秣稜花。交知零落琴為伴。宦轍東西路。
是家。離索無須論遠近。相思何處不天涯。

劉繪字號嵩陽河南光州人汝伯也

夜月舟中聽燕道士彈琴

花月逢仙侶。停舟鼓太和。飄飄綠水曲。蕩漾白雲歌。

卓女何情極。田文空泪多。一彈能洗耳。何必頽陽波。

春遊野寺迴來

年華慶賞快群芳。野望遙亭客路長。烟帶綠楊垂露
井。日翻紅杏舞風牆。聯飛霧陣雁橫字。池漏春聲鶯
轉簧。絃管醉花迷靜院。筵開藉草徑飛觴。

送某客吳祥雲赴趙總戎幕

星門昨夜耀龍文。上將橫戈正立勳。鹿塞不傳青海
箭。漁陽新練水犀軍。碧幢夜肅樓前月。赤幟朝翻陣
外雲。遠客莫辭千里去。滿堂朱履喜迎君。

春日詠懷四首

春日曾看漢苑花。長安自古盛繁華。九重日月懸天
府。百二山河遠帝家。共道秦侯來上谷。誰憐賈傅客
長沙。孤城此日高臺望。鳥轉旒飛空自嗟。

涼州二月紫泥傳。正是嫖姚出漢年。玉塞雲橫愁轉
急。金河月冷斷鳴絃。健兒戰國黃沙裏。突騎催鋒青
海邊。聞道飛書不論賞。將軍洒淚度祁連。

蘆溝河畔暗塵氛。疊鼓鳴笳禁裏聞。北口風烟通朔
氣。中山戍甲亂胡群。關門空鎖漁陽月。戰騎誰驅狐

張之如
三卷不備

塞雲安定城頭雙砲在揮戈尚憶石將軍
十年紫柱聽朝雞烏鳥相依宦邸微親看綵衣
錦造懸丹詰下助闡鳳凰臺上恩波闊虎豹叢中志
願違日暮青青原上草空將雙泪送春暉

泛舟夜聞城頭吹笛

山陽一去少知音楊柳城邊傷客心
夜靜偏來溪口上棹迴疑是水龍吟

劉黃裳

字子玄號太景繪之子登萬曆丙戌進士刑部主事風流豪邁以詩名中土

寄淨居融上人

高樓無所以空翠卧雲松
花湛九塘水經傳七井龍
澹心隨皎月清夢到孤峯
如逐東林約同聆谷口鐘

謝周道士寄丹經

無事灌園學抱甕閉關暫識老文陽
眉間常帶丹砂氣
披上高懸日月起
睇紫綫和來海嶼買山河處
却湖湘道書勞
雨遙相寄秋水淮南意
渺茫

唐詩

字子玄號石東無錫人正嘉中隱於吳興行高於藝者也

對主人窓前竹

皇明詩集 卷之二十一 三十一
隙地不盈丈。傾竹有數竿。清風亦徐來。仍作六月寒。
野人方困暑。永日留盤桓。豈期免俗態。聊合清幽懽。

許野

綠樹千家市。青山百里程。昔年幾留戀。今日獨經行。
海舶來蠻貨。河橋聚客旌。臨風數回首。孤棹更南征。

九日登牛首山

牛首登高處。黃花細雨前。山深寒似臘。江遠澹如川。
寶刹珠光淨。金陵王氣連。六龍曾駐輦。聽話武皇年。

佛日過華藏寺

野寺容初到。山城春已歸。晝長僧榻淨。花盡鳥聲稀。
勝會追櫻筍。幽懷戀蕨薇。信是貪佛日。白首欲皈依。

聽谷題號

心遠已忘世。山空久索居。楚聲真可喜。長嘯豈應虛。
有木遷黃鳥。無人咏白駒。春回鄒子律。惟待借吹噓。

姑蘇懷古

姑蘇城上月。如霜如雪。蘇城下。青草荒。可無麋鹿遊空。
苑。仍有啼鳥來。如嚙鴟夷。扁舟去。浩蕩闔閭。堆劍埋
精光。伯業千平已陳迹。客心終夜徒悲涼。

登弘濟寺閣

江流天合風冥冥。江閣虛無寒欲生。紫雲氣迫殿城
曉錦浪香。馮花氣晴洗酌。不妨開水檻。乘槎空憶掛
春星。平生漫有滄洲興。此日真憐白鳥情。

賦歸

三月春風開草堂。十年遊子歸故鄉。滿蹊桃李仍有
主。白晝琴書猶在床。休問少陵居社曲。何如靖節就
柴桑。武陵風景依稀似。便作秦民也不妨。

聞雷

白雲祠下雲不開。白鶴峯前雨欲來。真真不覺千山
暮。隱隱俄驚十日雷。江城木葉下更急。洲渚鴻雁聲
俱哀。閉門抱病可憐客。人事天時愁併催。

橫江曲

家住橫江口。年年傷暮春。落花隨水去。不為待歸人。

采蓮曲

風微波不起。日暮未回船。貪看鷺鷥鳥。時時誤采蓮。

吳下竹枝詞二首

雙袖通羅舞越羅。小娃十五解吳歌。酒壚休說臨邛

好閣閣門前花謝多

僕家住向越來溪五月荷花路款送即君來時休用

問門前楊柳一行齊

萬虞愷

字懋卿號楓潭南昌人嘉靖二十年進士由兵科給事中仕至刑部侍郎所著

有楓潭詩抄此詩不類凡吟多致讀之

九月應召北上留別同寮冷主簿

高秋與君別執手梁溪上清節久相期離懷忽以愴
停杯既無言解纜猶長望回首山千峯依依未能忘

送同鄉萬道士歸玉臺

此又送別
效

端居寂無賴百感雜憂喜緬想故園春青草徧芳池
明為久離別白日摧毛齒絕塞號悲風四顧黃塵起
所親在天末渺渺空余企汝從洪都來跋涉幾千里
慰我長相思手持一雙鯉乍見他鄉親綢繆詎能已
燈前對尊酒歷歷問鄰比風景應不殊故舊誰生死
相逢暫相懽相別又從此送汝南城隅含凄向汾水

泰山絕頂

帝遣自何年青霄吐碧蓮巖觀半夜月門入九重天
漢禪壇猶在秦封樹獨傳浮雲從去住今古任推遷

妾薄命

古來妾薄命。莫以青春好。寵來妬方深。恩情那到老。
昨日含蕊花。今朝斷腸草。翻恨西風遲。凋零不如蚤。

山中曉行

攬衣中夜起。秣馬早鳴鞭。殘月不照地。明星猶在天。
出門頻問曉。歷澗暗聞泉。翳翳東林外。山雞雜隴烟。
立春前一日再過潯陽別華補養

客途風雪際。懷抱向君開。笑飲春前酒。回看臘盡梅。
暮雲吳樹遠。落日楚帆開。又是潯陽別。江流曲九迴。

同黃岑岡侍御過寶應湖

蕭蕭水落客心驚。淮海逢君正禫行。夜半詩懷吞水
國燈前尊酒過。山城月明風定雙帆正。露下天高一
雁鳴。湖水向來秋後碧。霜威過處倍澄清。

送南皮劉明之吏部北上奏績

賢書蚤薦入承明。宦績淹留舊帝京。壯志曾聞追祖
述。高才端可續更生。苦勞且獻天曹績。清節應傳月
殿名。牛渚仙舟催曉發。春明歸去聽遷鶯。

望夫石

望君君不至。空有白頭吟。憑將一片石。聊寄百年心。

別離吟

一別章江門。離心逐江旂。江水能逐流。猶堪寄明月。

烏江廟

入關事已定。豈在割鴻溝。霸業一朝盡。烏江萬古流。

月下行

霜月弄寒輝。迢迢照行路。只照行人心。行不照行人苦。

勸禾

鋤禾欲禾長。躊躇復何言。慈母年恨不盡。猶恐傷苗根。

明妃

朔雲千里暗沙場。白草淒淒滿地霜。身在漢宮心在

死。還將青塚謝君王。

採蓮曲

自別卽君夜樂闌。湖邊秋色共誰看。蓮花妾面空相

似。妾意蓮心各一船。

夜雨

孤館殘燈照獨眠。寒江落木正蕭然。西風還送終宵

雨。並入江聲到枕邊。

李蓬

字仲清，號西楚，湯陰人。由鄉舉仕至鞏昌太守，性好奇吟咏。楊虞坡公謂西楚在計部，嘗以詩示予，亦名家也。

清明携酒遊天壇呈郭東野學士

落絮飛花滿禁垣，帝鄉光景嘆遷延。
馬周館冷春將暮，玉燧樓高月正圓。
市酒何妨今日醉，故裘深有故人憐。
東風不厭窮途客，還自吹噓到九天。

謁許忠烈祠

木落霜飛催曉鍾，許公祠下起悲風。
南昌未起蕭牆禍，北地先收保障功。
今日蒸嘗思似海，當年忠憤氣如虹。
遺容百代瞻高尚，只為綱常此念同。

易州道中逢許興濟并州

滿目風沙苦宦情，相逢易水嘆飄零。
汗折腰自耻非陶令，泣路深憐似阮生。
斜日火雲飛去處，塞深林陰雨發宵征。
循良自古多漁叟，月旦應知重二爾名。

和姚晴峯三絕

簾

燕子窺時已暮春，東風門外隔紅塵。
黃昏不捲長安月，偏照天涯失意人。

棋

莫恨功名看未高。英雄爭老。鬢邊毛。人間成敗君休論。一局春風興正豪。

夢梅

半紙功名誤此身。夢田空憶隴頭春。風流媿比林和靖。不是長安陌上人。
真法易也其取意也遠其指解也確可謂自手瑞年遊字律外

馬攀龍

號愧非子。陽信人。由乙榜署涉縣教書。仕至中書禮部郎中。博學雄才。著述甚富。年不稱壽。位不副德。君子惜之。

遊熊耳寺

結駟來郊野。秋風散雨天。雲籠熊耳寺。日暗馬跑泉。草砌蛩鳴急。河流人渡喧。歸歟。暝色合林麓。起蒼烟。

早行道中

自嘆生涯拙。空憐道路長。魂隨蝶夢遠。心逐馬蹄忙。牢落成何用。奔馳祇自傷。青山應笑我。不製薛蘿裳。

清明

歲序清明候。客懷寥落時。天涯逢令節。遊子動鄉思。東望海雲合。西來征雁稀。區區風木感。獨有鬢毛知。

船中聞笛

樓上誰人吹玉笛。船中行客不勝悲。烏啼兩岸婆娑
樹。梅落三春爛漫時。雲住應聞宮徵妙。水翻恐有魚
龍知。傷懷堪比安仁興。故里茫茫動所思。

江

王

字民瑩。號篁南。歙縣人。嘉靖間處士。幼負奇氣。喜李獻吉詩。竊效之。多相類者。

出塞

匈奴寇朔邊。烽火照甘泉。天子按劍怒。將軍出祁連。
胡風吹白草。廬山高際天。騎馬如雲屯。旆旄何翩翩。
帶甲百萬餘。鋪敘逐左賢。拓地三千里。指顧息狼烟。

唐明皇幸蜀圖

芙蓉苑裏春正開。海棠酣睡無人覺。漁陽或傳烽火
來。驚破梨園太平樂。六飛播越出咸陽。攜未克庖日
未央。玉環已逢山下鬼。羅衣血染徒悲傷。胡虜羗兵
敢馳突。潼關陳陶堆戰骨。野僧文士跣足隨。翠華無
光隴蕭瑟。劍道連雲劍閣深。霓裳寥落羽衣沉。岷峨
山高氣暗慘。明眸皓齒夢中尋。蜀道歸來南內冷。李
相初遷若洋梗。樂極哀來祇自傷。東西淒涼吊形影。
君不見。姑蘇臺上麋鹿遊。雷塘路傍隋帝丘。金粟堆
南松栢拱。白鳥夜夜啼。延秋。

送宋子明還吳興二首其一

爾抱黃山興來停練水舟馬卿常卧病謝客少同遊
拂曙揚蘭棹乘秋渡海流蒼川多勝事日日弭群鷗

其二

憐君好游覽留滯已經時夜鼓王維棹秋生宋玉悲
牽裳期後會把酒慰離思雄劍腰間在何須嘆路歧
春日同章汝愚給事訪友

偶偕青瑣客一扣白雲扉懸榻勞雙下深杯喜共揮
園林新霽爽鳥雀乍寒稀莫問朝參事班荆對夕暉

暮春重過灤溪草堂

春風兩渡武陵溪流桃花路不迷春雨見辭青瑣
闥携吾同步碧蕪堤謾誇詞賦惟江左新築菰堂接
灤西猿鶴逢迎幽興熟不妨引滿醉如泥

春日携友登石壁漫賦

溪上春光麗草堂柳條桃葉接新芳循堤幸邁二三
子振策同登千仞岡極目黃山思跨鶴閒臨曲水欲
流觴相逢莫漫牽歸興鐵盞數聲橫夕陽

暮秋馮三石枉顧留酌

皇明詩苑 卷之五十一
九月江城菊未花
千年踪跡滿天涯
衡陽鴻雁書難寄
楚國風塵日自嗟
翠館銀箏喧客舍
高雲錦石映蕪葭
相逢且盡杯中物
歲序催人鬢易華

江侍御過訪值雪

雲卧溪山歲載陰
護芳總馬雪中尋
馬卿多病空詞賦
范蠡長歸出世心
雪紀憐飛霰
集園爐遠莫引杯
深蕭條林壑
楚樓手和角任歌
刺水淥

九日登雨花臺

梁僧說法有高臺
上客行厨對竹開
珠火光中搖玉麈
寶花象外墮霞杯
呼鷹落帽懷千載
餐菊囊萸醉百迴
佳節賸拚清興盡
陪游應媿大夫才

送方定之戶部北上

野館張燈樂未央
春風送客柳初黃
祖堂華勝逢人日
仙旆翩翩指帝鄉
拂露鳴珂趨建禮
拂星起草奏明光
懸知聖主虛前席
莫負蒼生引望長

泊舟潯陽

潯陽江頭夜泊舟
岸蓼汀楓相映愁
客子孤吟萬感集
誰家橫笛千山秋
懷賢謾憶陶潛宅
吊古虛瞻庾

亮樓縱倒芳樽不成醉依依殘月半桑洲

觀音閣

金陵秋到葉初飛棧閣孤吟坐翠微清梵透林僧出
定石幢對劫鹿啣衣千巖碧落臨江島萬樹玄蟬咽
夕暉滿目風烟空色相頓令機息願皈依

送游給事兵備贛州

侍臣斧鉞下丹霄萬里東行駕使輅此去霜威宣百
粵向來風節重清朝旌旄擁傳寒星動尊俎談兵瘴
霧消祖席淹留期盡醉征途莫惜馬蹄遥

春江曲

春江春水拍堤平十里桃花夾岸明紫燕雙飛春欲
暮玉顏顚顚倍緘情

暮春

幾度看花被花惱可憐春盡獨傷春芳菲落盡無尋
處欲寫新愁寄遠人

江珍

字民繁號荆石壻之弟登嘉靖甲辰進士累官廣信知府

贈別程汝礪水部二首其一

驅車長千里遙望秣陵樹僕夫理行緩行人夾廣路

展宴暫懽咲留君不得住佳會難再逢白日忽西暮
願子厚衣襦春深繁霜露

其二

大造運玄化時命不可期
逝也乃厚享原乎何見疑
所貴君子心臨難終不移
山川何悠悠去馬鳴且悲

適時愛景曜寧復傷別離

陳六水曰民樂學古已得肯
蔡惜未多見

寄汪南明

蕭索三冬暮聞君駟馬車
歌殘蒙叟淚詔起秣陵居
西北烟塵滿東南戰伐餘
逢時好自惜莫羨錦江魚

寄汪職方伯玉

聞汝燕山信秋深已飭裝
如何冰雪候猶未到江鄉
舟楫關河阻兵戈道路長
倚闌思不極雲樹渺蒼蒼
夏日雞鳴寺訪舊僧不遇

含香出畫省迓暑入空林
坐得無生趣方知不染心
古堂鐘磬寂一徑薜蘿深
借問遠公錫廬山何處尋

送陳驛丞

把酒臯亭下秋風別路難
一朝辭北闕何日到南安
入貢經夷使傳宣有漢官
逢迎知不忝離况且為寬

送洪照磨入蜀

異鄉同作客送子獨西征
劍閣斜臨漢巴江曲抱城
題橋漢司馬入幕晉都生
願寶匣中劍無慚世上名

送方以清膳部出守松江

柳拂長堤露未晞
關河渺渺望中微
喜看渤海迎龔
逐行見平原薦陸機
財力久知南國竭
脩良誰說漢庭稀
舊遊鶯侶情何極
目斷江天鴈雁飛

春晚有懷谿上草堂

二月已盡花欲飛
青門楊柳正依依
獨憐客舍春將暮
轉憶溪堂人未歸
松蘿遠庭新水漲
築欄當戶晚香微
只緣白首淹朱紱
辜負滄洲一釣磯

即事

東南生事近全稀
况復頻驚羽檄飛
不惜千金募壯士
誰能一箭解重圍
側身天地徒揮涕
回首江鄉何處歸
稚穉喜逢新節制
早消氛祲答垂衣

去都

為郎白首尚沉淪
顛顛相如只舊貧
敢以上林希寵祿
幾逢揚意出風塵
茂陵多病終逃俗
漢署無心只

畏人生事浮沉隨藿轉莫放臨路一霑巾

燕山道中次韻

年年客裏逢春盡此日春歸客未回鄉信只憑南去
雁塞鴻猶向朔風來酣歌謾擊漸離筑往事徒悲郭
隗臺啼鳥落花隨所適莫教踈髮暗相催

送友人之廣陵親迎二首

江上芙蓉並蒂花廣陵風物望中賒雲橫直上銀河
渡鵲駕先成玉女家

湖水秋明白露稀玉娥同況鏡中歸錦鱗比目深深

見翠羽和鳴隊隊飛

暮春

玉河橋畔柳垂絲片片飛花匝御池惆悵故園桃李
樹春風開遍幾多時

陳有守

字達甫號六水別號天瀛山人休寧人汪南明謂陳徽君六水蓋名無虛士遂相與文字交

門有車馬客

老人不學邯鄲樓避叢臺下閉戶誦索丘絕交當途者
童子行謁入門外有車馬稱是平原君過從多文雅

此非晉連館亦非虞卿舍還謁謝公子納履走平野

九日同諸子登天都峯

天都高巖嵒。倒景入寥廓。俯視東南州。山海等丘壑。
三秋九日多涼風。同人游訪軒轅宮。相將七尺龍鬚
杖。披雲絕頂窺鴻濛。六七詞客何羊侶。文彩凌駕凌
安中。酒酣招呼浮丘伯。雲門笙鶴行相從。天生我輩
幸同調。訪覽寰夏思豪雄。匡廬不羨白蓮社。社中俗
客希禪宗。河洛不羨香山社。社中酒客糟丘封。豈若
伊余共環堵。天都雅社開萬古。東南高風振後塵。空

壁聯躔燭詩府。英名八士衣追陳。王文光萬丈齊白面。

秋日過大雲寺

出郭躡雲岑。祇園淡午陰。林疎楓葉下。壇窈雨花深。
石室僧初定。金堂梵欲沉。寥寥方外趣。殊了去來心。

秋夕同諸子紋川汎舟

清歌招月出。汎酌蓼花洲。寶鑑三天麗。金波萬壑流。
袁宏牛渚夜。李白宛溪秋。今古風騷韻。江東次第收。

過冶城宮訪沈羽士留讌

仙館懸新月。清光散桂芬。招磚白嶽侶。來訂赤霞文。

酒注金莖露。歌停玉樹雲。還當乘鶴馭。同謁魏元君。

寄蔡林屋

鍾山吟嘯侶。離索十年餘。直以長貧病。那能寄簡書。
冥棲震澤水。夢入洞庭居。冉冉歲華暮。相思轉慨余。

送江地官伯馨出守太平

萬里矣。荒銅柱。標千年。北拱玉宸遙。虎符熊軾開。鑾
府盡。戟朱禧下。聖朝儲計久。知稱相國折。衝應不
須。爍姚日南。從此流聲教。早奏謳歌入舜韶。

寄題程徵君水雲別墅

彭蠡湖東干。越城琵琶洲。映少微星春潮漲。雨汀莎
綠。海月流雲草閣青。把酒朗吟調鶴賦。抽毫細註種
魚石。綰迢迢愛汝閒居趣。千里緘詩寄翠屏。

寄郡伯馮公

十五下不見大馮君。鄂渚金沙卧白雲。草聖定追張長
史。註呵豪應過鮑參軍。接簪共羨真鴻舉。永秀長同海
鶴。研黃鵠磨崖三萬仞。星辰夜夜燭霞文。

三月三日約遊南溪不果限韻

海山春林紛曙旭。可憐上日媚花天。濃家年少出郭

外。三石個麗人嬉水邊。洛下張裴。那是侶。山陰王謝更
誰。臥。流觴落。寞空塵世。標格爭如晉魏前。

韓道人招游白嶽途次口占

烟外藍溪細。景雲中白嶽靈。標柱杖百盤。迂佇振衣
千仞道遙。

青松嶺

石。岷。岩。竟。接。混。真。雲。林。霑。灑。萬。峯。青。數。聲。雞。犬。飛。烟
外。始。覺。山。家。住。翠。屏。

野塢

谷口白雲棲石門。黃鸝百轉杏花村。野人隔塢沽新
釀。坐對春風醉瓦盆。

汪寬

字子敬。號紹溪。祁門人。

采蓮曲

汪淮曰。彷彿唐人。

采蓮出長浦。綠水興微波。婉孌耶溪女。新粧艷綺羅。
三三兩兩聲。懽懽同上蘭舟鼓。蘭柁蕩漾湖光一鏡
開。湖光山色碧縈迴。歌聲唱徹烟波裏。鷓鴣鴛鴦疊
飛起。掠水衝烟相蔽虧。菰蒲深處對逶迤。翻憐人事
何多誤。關山一去志歸路。棄妾單居春又春。采蓮不

覺秋光暮。秋光暮。憶天涯。眉怯含顰。葉顏羞。正蒂花。
紅堆綠匝。不長好。瞥眼穠華易衰老。同游女郎。那得
知。狎態娛。悰日逐。馳肯作湘臯遺珮女。還期桑野。却
金姬。采蓮。莫和心蓮。心味愁。苦折藕。莫牽絲。絲牽千
萬縷。心苦絲牽。意緒分。欲寄音書。那得聞。采蓮采蓮。
愁轉劇。湖上歸來日將夕。誰傳消息到深閨。淚雨紛
紛不盡啼。何日征人歸故里。門前笑聽馬聲嘶。

廣陵夜泊

南國懷歸切。維舟古驛邊。亂燈懸夜市。澤國莽秋烟。
水落闊。雲冷天。空海月圓。壯心驚寂寞。鶴背是何年。

涇縣道中

十月山行路。林深霧靄昏。壑雲遙度嶺。溪樹忽逢村。
歲晏魚龍蟄。天寒鳥鵲喧。窮途誰與慰。到處覓匏尊。

送何汝佩

臯亭動離思。况復異鄉春。孤鶴獨分遠。幾時相見頻。
野花明驛堠。江樹渺雲津。解取防身劍。贈君清路塵。

湘江

湘江古春色。暮越客久懷歸。道路風塵滿。關河音信稀。

一尊聊自適。孤劍欲依誰。忽憶山中侶。看雲獨掩扉。

宮怨

一。失。君。玉。寵。花。間。盡。日。閒。舞。衣。寬。舊。帶。啼。淚。染。新。斑。
輦道封塵滿。笙歌別院還。何須怨團扇。不保是紅顏。

同諸子自率濱泛舟遊商山園二首其一

上客耽幽賞。笙歌滿畫船。人同金谷宴。時是永和年。
麗藻徵詞管。瑤觴薦酒泉。驚流花嶼近。烟樹翳前川。

其二

試履登芳圃。盤紆洞壑開。泉通碧玉沼。山列錦雲臺。

出檻花熏席。流音鳥侑杯。洽懽應有賦。愧乏大耋才。

秋懷

秋風蕭瑟雁來時。客子驚心歲易馳。十璞信難誇楚
國。齊紕真可喻班姬。戈兵有警遠猶梗。勦績無成鬢
欲絲。惆悵帝城書未達。浮雲西北繫遐思。

寄汪伯遯

漢陽西望楚雲遙。皖蕙江籬入夢招。三載鶯花淹客
路。幾宵風雨阻歸橈。衡臯斷雁迷寒島。湘浦雙魚落
晚潮。春到故園期共賞。莫令白社久蕭條。

荆南別吳雙溪程汭溪入蜀

江上逢君又別君。驪歌一曲不堪聞。半帆秋色懸巴
月。三峽猿聲隔楚雲。

株蓮曲

桂楫蘭橈碧浪前。誰家女兒茜紅鮮。芙蓉採得無人
贈。鸕鶿一雙遊近船。

憶事

油壁香車楚水濱。章華聯袂看花晨。三千里外鸞箋
寄。十二樓中翠黛顰。

七夕

新月纖纖巧鬪眉。疎星河漢動涼颼。天邊亦有佳期
會。何事人間苦別離。

程慶琰

字廷琬

休寧人

過嚴灘

江接新安水。千峰抱郭斜。堞樓巢水鳥。市女插山花。
商貨多枚楮。官租亦賦茶。嚴灘千古勝。游釣願移家。

旅次海州

魯國東門地。相將一月留。逢人談海市。問客話曹州。

蜜額浮魚腹。沙鱗畏虎頭。春風一杯酒。聊得遣鄉愁。
登孔望山望秦始皇碑
遠客羈懷未易裁。獨尋孔望陟崔嵬。千江水遶三山
去。萬里船從百濟來。雨過洲邊龍戶集。日升海底蜃
樓開。雄圖霸業真難上。事事堪為百世哀。

春日客中雜言

春水溶溶春草齊。雨晴江岸燕爭泥。萍蓬轉跡違初
志。桃李連陰想故蹊。自得肯為平仲御。無成真媿樂
羊妻。故人別後書筒少。嶺樹關雲望欲低。

春日書懷寄故人

雲間日煖草如烟。百轉鶯聲似管絃。楚客喚舟揚子
渡。吳姬勸酒柳花天。醉中豪放非前日。眼底交遊盡
老年。久別不逢風月侶。耽吟偏憶謝臨川。

程慶琬

字廷幾號近齋休寧人

和沈啓南落花二首

強持杯酒酌殘芳。黃鶯啼老蝶不狂。看袖翻疑趙后
香。拂席猶餘荀令香。風前欲盡謾經眼。雨後全無光
幽。腸情知繁華易衰歇。未宜回首望東皇。

東飛西飛故作狂。亂紅殘白總堪傷。研光帽舞未終
曲。重頂帳蒙空。括香繼。按崖下。義不辱先。墜樓前。息
是債。明朝恐有客來訪。柴關不啓。學王郎。

歸邈新安

沙明水碧淨無泥。三百灘。笠上練溪。兩岸青山春欲
暮。棟花飛盡竹雞啼。

小景

柴門晚色亂山青。幾樹秋雲若水晴。江上風微潮已
落。大船橫閣小船行。

萬山觀西樓月夜

鐵笛秋風一鶴橫。萬山平挹翠。峻嶒。月明城。水江如
練。人倚闌干第幾層。

程慶瑩

字廷潤。號易齋。休寧人。

秋晚

獨坐溪堂曉。露寒霜氣濃。無人見。清景綠水照芙蓉。
雨後晚生

溪堂過雨初。明月在虛壁。沉吟坐晚涼。叢竹響餘滴。

孤館... 者誤向菊簷託主人。

閨情

一簾花雨畫凄凄。夢覺紗窓思轉迷。却怪子規聲自好。不從嶺外向郎啼。

村舍見梅

獨行村路竹籬斜。忽見寒梅半着花。怪底羅浮頻入夢。不知春在野人家。

春日村行

... 態陌路看人一綠青。

寄友

楊柳花飛蘆筍生。白魚跳浪小灘平。美人迢遞隔千里。春晚不來空寄聲。

初夏即景

音夏晴和睡亦安。不知山雨洒林端。朝來忽訝開窓處。添得新篁三五竿。

風雨...

不佞騰鵬所為

皇明詩統成藏諸篋笥。暇則手一二冊。繙越

自愉快而已。後叨祿上黨。携隨宦邸。歲時謁

潘國主。國主雅好文學。擅大雅者。因譚及昭代之

詩。不佞隨進數冊。

國主覽之稱善。謂不登諸梓。則易於湮沒。遂發

金給剞劂氏。刻數拾冊。又命各

郡府共刻數拾冊。已及半矣。繼是我郡伯

王純翁。首捐俸金若干。及我寅丈。蔣虹老。張

岐老各輸其力。成拾數冊。尚未完也。於是
一時郡邑之賢大夫聞風。各願分刻一二冊。而
是書衰然告完矣。顧非一時氣運之盛。文治
之昌歟。不佞初不意其有此也。不佞私心蓋
幸焉幸焉。因識諸簡端。

